

CONVOCATORIA SICUE 2016/2017

Preguntas más frecuentes

Que é o programa SICUE?

SICUE é un programa de mobilidade nacional que permite que un estudante universitario realice parte dos estudos nunha universidade española distinta á súa, con garantías de recoñecemento académico, aproveitamento e adecuación ao seu perfil curricular.

O Programa SICUE é un sistema de intercambio, non unha bolsa. Adoitava estar apoiado polas bolsas SENECA do Ministerio de Educación, Cultura e Deporte, pero desde o curso 2013-2014 non foron convocadas polo Ministerio.

Cando se abre o prazo de solicitude do programa SICUE?

O prazo para que os estudantes poidan presentar a súa solicitude correspondente ao curso 2016-2017 comeza o [10 de febreiro](#) e finaliza o [10 de marzo de 2016](#).

Onde se presentan as solicitudes?

Os estudantes presentan as súas solicitudes na súa universidade de orixe, cubrindo o *formulario A - Solicitude de mobilidade académica*, dispoñible nesta web.

Na UDC presentarase a través de Rexistro do LERD (Coruña / Ferrol), previa sinatura do seu coordinador.

LERD – A CORUÑA	LERD – FERROL
Pavillón de Estudantes Campus de Elviña, s/n 15071 – A Coruña lerdcoruna@udc.es	Edificio de Apoio ao Estudo Campus de Esteiro 15043 – Ferrol lerdfer@udc.es

Cantos créditos hai que superar e matricular antes de solicitar o intercambio?

Ter superados na súa universidade de orixe un mínimo de 45 créditos e estar matriculado en 30 créditos máis, sen prexuízo do cumprimento da normativa interna da universidade de orixe no relativo ao mínimo de créditos superados para poder optar a unha bolsa de mobilidade; nese caso aplicarase a dita normativa.

O requisito de superación de créditos deberase cumprir a 30 de setembro de 2015.

Cantos créditos hai que matricular na universidade de orixe para realizar durante o intercambio?

A duración da estancia na universidade de destino terá unha duración mínima de medio curso e máxima de curso completo, debéndose cumprir, en cada caso, os seguintes requisitos:

- Un curso completo: para cursar un mínimo de 45 créditos.
- Medio curso: para cursar un mínimo de 24 créditos.

Naqueles supostos nos que ao estudante lle resten para finalizar os seus estudos menos créditos que o mínimo esixido en cada tipo de estancia, poderá optar ao intercambio se cumpre o resto de requisitos.

Pódense cursar materias suspensas e optativas durante a mobilidade?

A condición de que non contraveña a normativa interna da universidade de orixe e o coordinador académico da devandita universidade así o autorice, poderase incluír no acordo académico, como máximo, unha materia cualificada como suspensa con anterioridade.

No caso de que o alumno desexe incluír no intercambio SICUE unha materia, como máximo, que non se atopa na titulación obxecto do acordo académico, poderá cursala en titulacións afíns coas que non haxa acordo, previa autorización de todos os coordinadores da universidade de destino implicados, limitando a dita posibilidade de matriculación a unha materia como máximo.

Poderanse cursar optativas do plan de estudos da universidade de destino, non incluídas no plan de estudos da universidade de orixe, incorporándoas posteriormente ao expediente do alumno na universidade de orixe como optativas.

Pódense cursar as prácticas e os proxectos fin de carreira durante a mobilidade?

Si, é posible. Os créditos correspondentes poderán contabilizar entre os mínimos establecidos como requisitos da Convocatoria SICUE.

Quen realiza a selección e valoración de solicitudes?

A selección dos candidatos en cada universidade de orixe será realizada por unha Comisión *ad hoc* presidida polo representante da Institución. Para a valoración, terase en conta a nota media do expediente coas cualificacións obtidas até 30 de setembro de 2015.

Cando e onde se publican as relacións de prazas de mobilidade concedidas?

Até o 20 de abril de 2016, na páxina web da UDC e no Servizo de Estudantes (LERD – Pavillón de Estudantes, Campus de Elviña)

Pódese reclamar no caso de que a praza sexa denegada?

En caso de denegación da solicitude, o interesado poderá reclamar ante o mesmo órgano que a ditou, no prazo de 10 días hábiles desde a publicación da resolución, cando concorra algunha das circunstancias seguintes:

- (a) Que se incorreu en erro por mor de interpretación equivocada dos documentos achegados ou da valoración do seu expediente académico.
- (b) Que apareza ou se acheguen novos documentos de valor esencial para a resolución.
- (c) Que na resolución influíran documentos de dubidosa validez.
- (d) Outras circunstancias debidamente justificadas.

Como se escollen as materias a cursar durante a mobilidade?

Unha vez concedida a praza de mobilidade SICUE, o estudante terá que cumprimentar o *Impreso C - Acordo Académico* antes do 15 de setembro de 2016, no caso de que o acordo de mobilidade sexa do primeiro cuadrimestre ou de curso completo, e antes do 30 de setembro no caso de mobilidade no segundo cuadrimestre. Nel virá recollida a equivalencia entre as materias matriculadas na universidade de orixe e as materias a cursar na universidade de destino. O acordo académico é un documento aceptado e consensuado polas tres partes implicadas (alumno, centro de orixe e centro de destino), terá carácter oficial de contrato vinculante para os asinantes e **só poderá ser modificado no prazo dun mes a partir da incorporación do estudante ao centro de destino.**

Pódese gozar máis dunha vez dun intercambio SICUE?

Un mesmo estudante pode solicitar a mobilidade SICUE por segunda vez, a condición de que sexa nunha universidade de destino distinta a onde realizou o primeiro intercambio.

Por outra banda, o feito de que xa fose beneficiario de SICUE podería afectar á forma de avaliar a súa solicitude por parte dos coordinadores.

Poden os estudantes comunitarios e non comunitarios residentes en España solicitar unha praza de mobilidade?

Si

Pode un estudante que se atope de intercambio con outro programa solicitar unha praza de mobilidade?

Si, a condición de que o goce do intercambio non coincida coa devandita mobilidade.

Para máis información, consultar a Convocatoria SICUE 2016/2017:

<http://www.crue.org/estudiantes/movilidadestudiantes/paginas/area-de-informacion.aspx>